

Na osnovu člana 28. Zakona o javnim preduzećima u Federaciji Bosne i Hercegovine ("Sl. novine F BiH", br. 8/05, 81/08, 22/09 i 109/12), člana 41. Statuta JP Autoceste FBiH d.o.o. Mostar i Odluke Odbora za reviziju broj 1.02-5832-2/14 od 27.10.2016.godine, Odbor za reviziju raspisuje

K O N K U R S

za izbor i imenovanje rukovodioca - direktora Odjela za internu reviziju

1. Objavljuje se javni konkurs za izbor i imenovanje rukovodioca – direktora Odjela za internu reviziju JP Autoceste FBiH d.o.o. Mostar

2. Opis pozicije:

Rukovodilac – direktor Odjela za internu reviziju ima obavezu i odgovornost:

- da uspostavi Odjel za internu reviziju odgovarajućeg obima potrebnog da se adekvatno obavljaju dužnosti utvrđene Zakonom i Statutom,
- za odabir i rukovođenje licima zaposlenim u Odjelu,
- da podnosi godišnje studije rizika i plan revizije Odboru za reviziju, koja sadrži detaljan prikaz rizičnih područja i revizija koje će biti izvršene,
- da podnosi izvještaje o obavljenim revizijama sa nalazima i preporukama,
- da obavlja svoje dužnosti u skladu sa Međunarodnim standardima revizije, Statutu JP, Pravilniku o unutrašnjoj organizaciji poslova, te Pravilniku o radu odjela IR.

3. Status u preduzeću

Rukovodilac – direktor Odjela za internu reviziju je član Odbora za reviziju, bez prava glasa.

4. Mandat

Mandat rukovodioca - direktora Odjela za internu reviziju traje 4(četiri) godine.

Sa rukovodiocem direktorom Odjela za internu reviziju zaključuje se ugovor kojim se regulišu ovlaštenja, odgovornosti i visina naknade.

5. Uslovi

Kandidat mora ispunjavati opće i posebne uslove.

a) Opći uslovi

-da je državljanin Bosne i Hercegovine,

- da je stariji od 18 godina,
- da nije otpušten iz državne službe kao rezultat mjere na bilo kom nivou u BiH, u periodu od tri godine prije dana objavljivanja upražnjene pozicije,
- da se na njega ne odnosi član IX 1. Ustava BiH,
- da nije na funkciji u političkoj stranci,
- da nije osuđivan za krivična djela i za privredni prestup nespojiv sa funkcijom rukovodioca direktora Odjela za internu reviziju,
- da mu presudom Suda nije zabranjeno obavljanje dužnosti u oblasti revizije,
- da nije zaposlenik preduzeća, član nadzornog odbora niti uprave preduzeća, te da nema direktni ili indirektni finansijski interes u preduzeću, osim naknade po osnovu obavljanja funkcije;

b) Posebni uslovi

- visoka stručna sprema VII stepen - ekonomski fakultet,
- certifikat ovlaštenog revizora i najmanje 5 (pet) godina radnog iskustva u struci nakon sticanja certifikata ovlaštenog revizora;
- da posjeduje najmanje 5 (pet) godina iskustva u Odjelu za internu reviziju.

6. Potrebni dokumenti

- biografija sa adresom i kontakt telefonom,
- diploma o stručnoj spremi i certifikat ovlaštenog revizora,
- dokaz o radnom iskustvu,
- izvod iz matične knjige državljana,
- izvod iz matične knjige rođenih ili kopija CIPS-ove lične karte,
- izjave o nekažnjavanju za uslove iz tačke 5. alineja 5 i 6 (ne starije od tri mjeseca, a original uvjerenja izdata od MUP-a i Suda će dostaviti izabrani kandidat),
- izjave za uslove iz tačke 5. alineja 3, 4 i 7 (ne starije od tri mjeseca).

Tražena dokumentacija mora biti original ili ovjerene fotokopije.

Odbor za reviziju će na funkciju rukovodioca direktora Odjela za internu reviziju imenovati onog kandidata koji dostavi svu traženu dokumentaciju, te koji po svojim referencama, znanju i stručnosti koja se ocijeni na intervjuu, najbolje odgovara za izvršavanje obaveza iz nadležnosti Odjela za internu reviziju.

Kandidati koji uđu u uži izbor biće pozvani na intervju.

Prijave sa traženom dokumentacijom dostaviti na adresu:

JP Autoceste FBiH d.o.o. Mostar
UI. Dubrovačka 6
71 000 Sarajevo
sa naznakom:

(Prijava na konkurs za rukovodilac direktora Odjela za internu reviziju-Ne otvaraj).

Javni konkurs ostaje otvoren 15 dana od dana objavljivanja u sredstvima informisanja.
Nepotpune i neblagovremene prijave neće se uzimati u razmatranje.
Preduzeće nije obavezno vraćati dokumentaciju prispjelu na konkurs.

